


Nunat Aqqinik Aalajangiisartut
sisamannngorneq maajip 22-anni 2012-mi
Oqaasileriffimmi ataatsimiinnerat

Peqataasut.: Carl Christian Olsen, Stephen Heilmann, Tukummeq Qaavigaq, Abia Abelsen aamma Lotte Holm.

Allatsi: Lisathe Møller Kruse + Abia Abelsen.

1. Tikilluaqqusineq
2. Imaqarniliap akuerisassatut saqqummiunnera (*maajip pingajuanni 2012-mi ataatsimiinnermit imaqarniliaq*)
3. Tunumi nunat aqqi nalunaarsukkat suliaralugit aallartinnissaat
4. Taasariaqartut allat



1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

Siulittaasoq allami ataatsimiinnissani pillugu nal. 10.00 missaani anisussagami ataatsimiinnemik aqutsineq siulit. Tullianut AA-mut tunniuppa.

NAA-mi allatsi Lisathe Møller Kruse nakorsiareerluni iserpoq nal. 10.15, allattaalerlunilu.

2. pillugu –

Maajip pingajuanni 2012-mi ataatsimiinnermit imaqarniliaq akuerineqarpoq, taamaattorli malunnarpoq NAA-mi ilaasortat amerlanerit imaqarniliaq aamma Tunumi nunat aqqinik suliat oqallisiginissat sulii iluamik piareersimaffigineqanngitsoq, taamaattumillu oqallinneqangaatsiarluni ilaatigut isummat assigiippallaanngitsut aninneqartarlutik. Tamanna 3-mut tunngatillugu imaqarniliap naggataatungaa atuaruk, uunga nangissutitut oqaatigineqarsinnaasoq.

3. pillugu –

Tunumi nunat aqqi nalunaarsukkat suliaralugit aallartisarneqarput. Nunalli aqqi ataasiakkaarlugit akuerinneginnerini tunngaviusumik aalajangiivigisassat ilaat aalajangiivigineqarput. Nunat Aqqinik Aalajangiisartut aalajangigaat ataani talerperlermiipput:

Nalunaarsukkani allaqqasooq:

Sanernгаа

→

Tupikasia

→

Imikasia

→

Ikerasak

→

NAA-t aalajangigaat tunngaviusut:


Saneraa

Tupigajia

Imigajia

Ikaasak (*Igamut qanippallaarnera pissutigalugu
“igaasak”-mik allanneqartassanngilaq*)

Qulaaniittunut assingusut nunat aqqi ataatsimeeqqinnginnermi aqqinneqariissasut NAA-t aalajangerpaat. Tassa “rnga”-mik allaqqasut tamarmik “**raa**”-nngortiterneqassapput, “kasia”-mik imaluunniit “kajia”-mik allaqqasut “**gajia**”-nngortiteqassallutik, kiisalu nunat aqqi “Ikerasak”-mik atillit “**Ikaasak**”-nngortinneqassallutitaaq.



Lotte Holm tunumi nunat aqqinik nalunaarsuisimasoq tunumi nunat aqqinik ilisimasalinnut paasiniagassaqqarpoq. Paasiniagassai ataani takuneqarsinnaapput:

- Tunngaviusumik kangeq kangerlullu immikkut tunumiusut taaneqartarnersut nunat aqqinik ilisimasalinnut paasiniassavaa,
- Sammivissionermut tunngassuteqartut nunat aqqi tunumi nunat aqqisut atugaasut erseqqissumik suunersut paasiniassavai. Soorlu avannaa, kujataa, kita, kangia allallu.

Sammivissionermut tunngassuteqartut pillugit Stephen Heilmann kissaateqqarpoq nunat aqqi sumiissusersionermut atortarmata sineriak tamakkerlugu assigiimmik atorneqarnissaat. S. H. ilaliivoq aalajangiinermi sumiorpalussutsit ataqqineqartartut, allattaaserli malillugu suliarineqartassasut.

Naggataagut isumaqatigiinneqqarpoq uku suliat, tassa Tunumi nunat aqqinik suliat aamma Oqaasiliortut siunnersuutigisimasat NAA-mi ilaasortat atuarluaqqissinnarlugit tullianik eqqartoqqissagaat, ilaatigut CCO-p, Pujup, ilaasortanut isummorsorfigillaqqullugit nalunaaqutsersorsimasai.

4. pillugu –

Nunat Aqqinik Aalajangiisartut isumaqatigiissutigivaat juunip 7-anni nal. 10 tulliani ataatsimeeqqikkumaarlutik.

Carl Chr. Olsen
Siulittaasoq

Lisathe M. Kruse
Allatsi